



Broj: 03-02-404/17  
Travnik, 08.01.2020.godine.

- **Organi uprave i upravne organizacije Srednjobosanskog kantona**  
N/R ministrima, rukovodiocima
- **Općine na području Srednjobosanskog kantona**  
N/R načelnicima
- **Javne ustanove (JU) čiji je osnivač i/ili većinski vlasnik Srednjobosanski kanton/Jedinica lokalne samouprave (JLS) sa područja SBK**  
N/R direktorima
- **Javna preduzeća (JP) čiji je osnivač i/ili većinski vlasnik Srednjobosanski kanton/Jedinica lokalne samouprave sa područja Srednjobosanskog kantona**  
N/R direktorima

**PREDMET: Poziv za dostavljanje srednjoročnih (trogodišnjih) planova potencijalnih projekata javno - privatnog partnerstva za period 2020. - 2022. godine i godišnjih planova potencijalnih projekata javno - privatnog partnerstva za 2020. godinu.**

Poštovani,

Pozivamo sva Javna tijela sa područja Srednjobosanskog kantona da u skladu sa članom 13. Zakona o javno - privatnom partnerstvu SBK ("Službene novine Srednjobosanskog kantona", broj: 3/18) i članovima 3. i 4. Uredbe o identifikaciji, pripremi, ugovaranju i praćenju implementacije projekata Javno - privatnog partnerstva SBK ("Službene novine Srednjobosanskog kantona", broj: 7/18) identifikuju potencijalne projekte javno - privatnog partnerstva iz svoje nadležnosti i izrade srednjoročne i godišnje planove na obrascima propisanim u Aneksu 1, Aneksu 2, i Aneksu 3, koji čine sastavni dio navedene Uredbe.

Organi uprave i upravne organizacije Srednjobosanskog kantona i jedinice lokalne samouprave (JLS) sa područja Srednjobosanskog kantona izrađuju prijedlog srednjoročnog plana potencijalnih JPP projekata (za period 2020. - 2022. godine), i godišnjeg plana potencijalnih JPP projekata (za 2020. godinu), i dostavljaju ga Vladi Srednjobosanskog kantona odnosno nadležnom organu JLS na usvajanje, a nakon usvajanja isti se dostavljaju Ministarstvu privrede Srednjobosanskog kantona.

Javne ustanove i javna preduzeća čiji je osnivač i/ili većinski vlasnik Kanton ili JLS izrađuju prijedlog srednjoročnog plana potencijalnih JPP projekata (za period 2020. - 2022. godine) i godišnjeg plana potencijalnih JPP projekata (za 2020. godinu) i putem resornog ministarstva, odnosno nadležne službe JLS, dostavljaju Vladi Kantona, odnosno nadležnom organu JLS, na

usvajanje, a nakon usvajanja isti se dostavljaju Ministarstvu privrede Srednjobosanskog kantona.

U slučaju izmjena srednjoročnog plana potencijalnih projekata javno - privatnog partnerstva isti se zadržavaju svake godine uporedo sa donošenjem godišnjeg plana potencijalnih projekata na način propisan članom 3. Uredbe o identifikaciji, pripremi, ugovaranju i praćenju implementacije projekata Javno - privatnog partnerstva SBK.

**Kako bi što više zainteresovanih Javnih tijela uključili u izradu srednjoročnih i godišnjih planova potencijalnih JPP projekata, molimo Vas da ovaj poziv prosljedite javnim tijelima, javnim ustanovama i javnim preduzećima čiji ste vi osnivači i/ili većinski vlasnici.**

**Napomena: Obrasci Aneksa za izradu srednjoročnih i godišnjih planova potencijalnih projekata JPP popunjavaju se u elektronskoj formi, a možete ih preuzeti na web stranici Vlade Srednjobosanskog kantona <http://sbk-ksb.gov.ba> u dijelu Ministarstva privrede Srednjobosanskog kantona tj. u podnaslovu pod nazivom "Javno - privatno partnerstvo".**

**S tim u vezi pozivamo vas da najkasnije do 15. 03. 2020. godine dostavite usvojene srednjoročne i godišnje planove potencijalnih projekata Ministarstvu privrede Srednjobosanskog kantona na adresu: Prnjavor 16a, 72270 Travnik.**

**Navedeni planovi će biti osnov za izradu Kataloga potencijalnih projekata Srednjobosanskog kantona za period od 2020. - 2022. godine.**

S poštovanjem,

  
MINISTAR  
Nisvet Hrnjić